

Jumpa bayi menangis tepi taska

Masih bertali pusat, ditemui berlumuran darah di luar pagar

Star 15/6/2011 MS 51.

KUALA LANGAT - Seorang pekerja sebuah Taman Asuhan Kanak-kanak (taska) di sini, tidak menyangka tangisan bayi yang didengarinya awal pagi semalam rupa-rupanya datang dari luar pagar taskanya.

Pekerja Taska Ubudiyah, Taman Idaman di Kampung Olak Lempit, di sini, Samsiah Aliasok berkata, dalam kejadian jam 5 pagi itu, dia terkejut setelah mendapati seorang bayi perempuan masih bertali pusat ditinggalkan di luar pagar taman asuhan tersebut.

Katanya, bayi itu ditemui dalam keadaan berbalut tuala dan berlumuran darah.

"Saya syak bayi ini baru dilahirkan dan ditinggalkan di sini (luar pagar taska). Saya

“Bayi yang masih bertali pusat itu dikatakan tidak sempat menyusu sehingga tangisannya didengari pekerja di taska berkenaan.”

Nordin

kemudian memaklumkan-nya kepada jiran,” katanya ketika ditemui, semalam.

Katanya, sedih melihat keadaan bayi malang itu, dia kemudiannya membersihkan bayi tersebut sebelum polis tiba di lokasi kejadian.

Sementara itu, Ketua Polis Daerah Kuala Langat, Superintendan Nordin Manan berkata, siasatan awal

mendapati, bayi berkenaan baru sahaja dilahirkan dan ditinggalkan suspek tanpa meninggalkan sebarang nota bersamanya.

“Dalam pada itu, bayi yang masih mempunyai tali pusat itu dikatakan tidak sempat menyusu sehingga tangisannya didengari pekerja di taska berkenaan,” katanya.

Nordin berkata, pekerja wanita tersebut telah membuat laporan sebelum bayi dihantar ke Hospital Banting lebih kurang jam 4 petang untuk siasatan lanjut.

“Orang awam yang mempunyai maklumat berkenaan bayi berkenaan dikehendaki membuat laporan segera kepada pihak polis untuk tindakan lanjutnya,” katanya.



Seorang kakitangan Hospital Banting mendukung bayi yang dijumpai di Taman Idaman, Kampung Olak Lempit, semalam sebelum ke bilik kecemasan untuk pemeriksaan selanjutnya.